

Desaroyo ta bayendo den rumbo negativo pa nos hobennan

Mas hoben menor di edad ta cay cera varios biaha pa delitonan grave



di 13 aña caba a cay cera. E fundacion aki ta atende cu menor di edad cuminsando -segun e ley penal- di 12 aña bay ariba, y adulto te con bieu e por ta.

El a bisa cu mayoria di e hoben cera tin un edad promedio di 15 aña cu a bay cera pa delito basta serio. Otro desaroyo cu Reclassering ta wak negativo ta cu e crimen cometi bou nos hobennan a bira hopi mas pisa. Sra. Pemberton a laga sa cu delitonan cu antes nos tabata mire den hende grandi so, pero aworaki nos ta hayando nan cerca nos hobennan tambe.

Te aworaki Reclassering ta wordo notifica por lo general ora cu un hoben ta cay cera. Nan tin un bon bista di e cantidad di hobennan cu a bay cera, y Sra. Pemberton ta haya cu e cantidad no a crece drastico. E tin un crecimiento pero no alarmante of fei di



proporcion.

Un 50% pa 60% di e hobennan cu a cay cera pa prome biaha nan a haya problema cu husticia. Pero si nos ta papiando di hobennan cu a cay cera pa aña, nan ta alrededor di 80 pa 90 dor cu tin hobennan cu a cay cera dos pa tres biaha pa aña. Pues Reclassering ta ripara cu e factor di hoben cu a cay cera varios biaha ta basta hopi.

Sra. Pemberton a indica cu tin varios factor cu ta hunga un rol pa locual un hoben ta cay cera. Sinembargo e ta

aclarar cu tur caso ta individual, y cada un tin diferente factor y historia. "Tur hoben tin su historia", el a bisa.

Actualmente e fundacion aki su meta ta pa yuda re integra e hendenan cu a comete un delito den comunidad. Hopi biaha tin factor cu a hiba nan haci cosnan contra ley. Pues Reclassering no solamente ta yuda den e proceso di integracion di nobo di e recidivistanan, sino tambe di identifica y stabilisa e factornan cu a pone cu el a desvia y cay cera. □

ORANJESTAD- E cantidad di hoben involvi cu problema di husticia no ta alarmante, pero nan edad a baha y e tipo di delito cometi a bira mas pisa.

Directora di Reclassering, Sra. Seraida Pemberton a declara na Bon Dia Aruba cu a bira tempo pa pone mas atencion riba e problematica di delincuencia hubenil. "E

desaroyo ta bayendo den un rumbo basta negativo pa cu nos hobennan", el a bisa.

Desaroyo negativo

Nan a cuminsa wak un desaroyo basta negativo caminda edad di e hobennan involvi cu problema cu husticia ta bahando. Si antes nan tabata papia di hoben di 16 pa 17 aña cu a cay cera, el a baha pa 15 aña, y e ultimo cinco aña el a baha mas te hasta mucha